



# Arubaanse Courant

Anja 25.

DIARAZON 13 MEI 1964

No. 5031.

## HOPI OPINIONAN TOCANTE CONFLICTO SYNDICATO DI OBRERONAN DI LAGO

### Gobierno di Aruba lo proclama "cooling off"?

E pregunta grandi cu tin awor, ya cu Sindicato di Obreros, Independent Oil Workers Union of Aruba a proclama diahuebs mainta pa 7'or un conflicto, ta kiko e gobierno lo bai haci: Proclama un periodo di "cooling off" di 90 dia, si of no? Aparentemente e sindicato ta spera cu gobierno lo hacie, cu den e periodo cu Lago lo no duna lay-off, cual segun e ultimo convenio lo termina dia 20 venidero, lo wordu prolonga un biaha mas cu 90 dia, ya cu ley ta bisa, cu durante e termino di "cooling off" cu a worde proclama pa gobierno, no mester wordu duna lay-off door di e trahadornan ademas e sindicato ta desea pa tene e otro negociacionnan den compania di landsbemiddelaar mr. Frank Hartong.

E asunto por bai den diferente direccion ainda na e momento aki. Pasobra si e gobierno ainda no kier proclama e periodo di "cooling off" den e periodo aki, e ora ey e sindicato lo bay duna Lago su ultimatum, sigui pa un strike, si Lago no haci caso. Si un strike asina mester bini, atrobe lo tin dos posibilidad. E gobierno lo proclama periodo di "cooling off", y tambe e gobierno lo no hacie y laga e trahadornan strike. Den e ultimo caso aki tin atrobe dos posibilidad: E strikemento lo bira un exito y e posicion di e sindicato ta enberdad asina fuerte, manera cu e sindicato kier a laga e guardia di pafor kere, of e trahadornan ta dicidi den mayoria pa no responde na e yamada di strike di e sindicato den cual caso e directiva di I.O.W.U.A. mester carga e resultadonan di un reputacion oñendi.

Actualmente tin dos tendencia claro di opinion pa constata na Aruba. Un agrupacion grandi te ainda absolutamente no ta convenci cu lo worde teni un strike diahuebs venidero. Esakinan kende ta experto riba terreno di sindicato di obrero ta para masha esceptico contra e circulario di I.O.W.U.A. di dialuna. "E hecho cu ta worde bisa cu diahuebs lo tin un conflicto, no ta nifica cu lo tin un strikemento diahuebs", esaki ta segun e informantenanenden ademas ta avisa pa e error comete algun anjas pasano worde ripti, tempo cu nan akere cu e "Sindicato Obrero" ta descompos cu e "Empleadonan di Lago". Expertonan di sindicato di obrero di e grupo akita puntra nan mes, cuanto miembronan en calidad e sindicato tin entre empleadonan.

Recientemente un lider di islaiba a declara cu e mayoria di isaribenjonan cu ta traha na Lago, no ta miembro di I.O.W.U.A. E oradornan menciona caba remarca tambe si e sindicato

la haya e miembronan pa strike, si esaki lo worde aclama. Ya cu ta un hecho, cu Lago ta pertenecer na e mihor dunador di trabao den territorio di Caribe y cu e convenio di trabao colectivo di Lago ta mas mihor cu esun di Shell na Curacao. Tambe ta bini cerca, segun e mesun oradornan, cu recientemente Lago a haci consecionnan pa e convenio di trabao colectivo nobo y hasta a disposicion pa yuda empleadonan cu a haya lay-off pa busca un otro trabao. Maske ta na extranheria. Cu esaki Lago a priminti cu e kier tuma e gastonan di pasashi pa su cuenta y si ta necesario percursa tambe pa reduccion. Mira e factornan aki di un banda y e desempleo grandi na Aruba di e otro banda, segun e expertonan, nan kier sa si tin hopi empleados cu ta traha na Lago cu kier riska nan pan di cada dia cu un strike, cual ta e unico appeal di e lucha contra lay-off. Un appeal cu a perde balor door di yuda Lago su disposicion busca un otro trabao pa esnan cu a haya un lay-off. Ta bini aserca cu varios biaha den pasado Lago a jega di muestra e empleadonan, cu strikemento como puesto intervencion di e sindicatonan lay-off, masha poco biaha por a haci un cambio den e politica di lay-off di e empresa concerniente. "I.O.W.U.A. lo tin e curashi pa proclama un strike", segun e informantenan di e grupo aki. "No lubida; Si e sindicato perde e strike e por wel di laga cai". Pa tur esaki tin duda den e circulanon aki si e gobierno lo proclama un "cooling off".

Circulanon cu tin poco relacion cu e sindicato a remarca cudoor di e sindicato a worde fija diahuebs como e dia cu e conflicto lo worde proclama, como cu ta worde spera cu e gobierno lo proclama e "Cooling off" di 90 dia, y cu asina por duna e gobierno un fecha exacto riba cual e 90 dianan aki por drenta den

vigor. Ayera mainta sr. Frans Lodewijk Maduro, president di I.O.W.U.A., a bai Curacao acompaña di e miembro di directiva Elias Pellegrin, pa consulta cu e ministro di Sociale Zaken tocante esaki. Parce cu en berdad e sindicato ta spera riba e proclamacion di e "cooling off", mientras cu ta worde prefera pa continua cu e discusionnan cu Lago tocante e convenio di trabao colectivo nobo den presencia di e landsbemiddelaar. Segun nos a worde informa di e banda aki, lo ta necesario cuprome cu dia 20 venidero I.O.W.U.A. mester duna Lago un ultimatum, si acaso e gobierno no dicidi di proclama e periodo di "cooling off" a base di e situacion actual. A worde desmenti di e banda aki, cu ya nan tin intencion pa cuminsa un strike diahuebs.

### FATUM

Pa tur bo aseguranan

Tel. 1845.

Loke a worde admitti di e banda aki ta cu, e lidernan di sindicato di extranheria cu ultimamente a bishita Aruba, no a conseha pa strike. Den circulanon di I.O.W.U.A. nan ta kere sin embargo di ta para cu lomba contra e muraya. "Nos kier duna y tuma si, pero Lagokier tuma so, manera cu nan a declara nos. Nan a splica nos den e sentido aki, cu durante e discursiannan di diasabra pasa cu Lago, negociadornan a haci e exigencianan di e sindicato riba mas of menos seis di e dies cuater puntonan conoci menos pisa, pero cu Lago no kier a pone awa den e binja. Como ilustracion nan a muestra nos, con antes e presidente di e tempo ey di I.O.W.U.A. sr. Ritfield, a haya asiento den directiva di Scholarship. Foundation di Lago y cu awor

e sindicato a pone como condicion pa e convenio di trabao colectivo nobo cu sr. Ritfield, cu awor no ta miembro di directiva di IOWUA mas, lo worde reemplaza door di un representante di e directiva actual. Semper Lago a nenga di bay di acuerdo cu esaki.

### HARTONG PA CURACAO

Frank Hartong, intermediador di gobierno central na Aruba a sali ayera pa negoshi pa Curacao. Durante e dia ey el a tene contacto cu ministro Ciro Kroon tocante e situacion dificil na Lago. Conforme e reglanan fija pa e intermediador lo a drenta den accion solamente den caso di un strikemento menazante of cu tumando lugar di mas cu 40 empleados. E ora ey e por entremete, di propio impulso, of spera te ora un partido interesa pidi su ayudo.

### Contract pa casamento

BALTIMOR, 13 mei. - Na Townson, un ciudad di Baltimore, un matrimonio a ser serra, despues cu un sorto di contract a wordu stipula y entrega cerca corte arrondissement di justicia.

E contract, entre William Meizger di 35 anja y Theresa Balough dje mesun edad ta bisa cu esposo lo ta semper esun cu ta manda. E esposa lo ta obliga su mes pa haci e trabaonan manera cushina, laba panja, cose y mas cos cu por haci un bida di casamento feliz, segun e contract.

### LUNA DI MIEL CU HINCAMENTO

Oranjestad, 13 mei. Dialuna anochi pa mas o menos ochor polisnan a worde avisa cu den barrio di Companashi na Oranjestad nan a hinka muher cu cuchiu. Un investigacion a trece na claridad cu e homber E.A.C. di 26 anja apenas dos siman pasa yendi amor e la hinka un renchi matrimonial na su dede, a hinka su esposa awor cu un cuchiu na diferente lugar. Gracias na operacion inmediatamente na San Pedro Hospital ayera tardi siruacion dje senjora ta basta satisfactorio. E esposo a hanja un cuarto gratis mientras tanto.

### E CHIQUITIN A MURI DESPUES

Oranjestad, 13 mei. - E chikitin van der Biezen cu dialuna a perde bida door di un accidente di auto di su mes tata, a fallece segun nos a worde informa despues dje desgracia, no manera a worde publica anteriormente e la fallece na San Pedro Hospital.

### DESGRACIA DI AVIONAN

MARINA STATION ROTA, 13 mei. - Un avion di patrulla di Marina Mericano cu 10 homber a bordo a cai den laman na 40 km na sur di Cadiz. No tin



SABOR CU NUNCA TA  
VARIA

IT NEVER VARIES.

signal di sobrevivientenan. E avion a subi pa un vuelo di ehercicio di stacion di marina Rota cerca di Cadiz. Un piscado Spanjo a mira con e avion a mishi cu awa y a pega candela.

Cerca di Seale na Alabama un avion militar di transporte dje typo C-119 cu paracaidistanan a bordo a haci un aterizaje di emergencia. Akinan dos ocupante a muri. 11. Militar di kende seis ta serio a keda herida.

### FESTIVALDI TULIP NA ESTADO MICHIGAN

HOLLAND MICH, 13 mei. - Na Holland, den estado Mericano Michigan, nan lo celebra di dia 13 te 16 di mei proximo e di 35 biaha un festival di tulpanes. E jardinnan den ciudad y parkenan ta yen di tulipan y tin un grandioso exposicion floral bow dje number "Nature's Color Drama". Bishitantenan por mira con nan ta traha antes klompennan na Ulanda. Tambe lo tin e klompennan tradicional. E bida y trabao di Rembrandt lo forma tema dje exposicion "Kende tabata Rembrandt".

### NAN A DESTRUISU AUTO

Oranjestad, 13 Mei. - Dialuna sr. K.D. a informa polisnan cu den anochi anterior desconocidonan a hiba su auto A- 4446 cu tabata parkeer banda santana Hudju, den Pistastraat y aya a corta su wayanan di switch, ranca e wayanan di distribuidor, kibra e windshield y despues a hiba un dje sientonan.

# REY DE COPAS



- Aki nos ta mira Sheryl Pieterella di Koningstraat 15, Oranjestad, den compania di su mama señora Pieterella, ricibiendo e mil florin for di man di sr. J. Gonzalez director di Ron Rey de Copas Aruba Distilling Co. Sigur ta cu Rey de Copas a contribui cu sra. Pieterella a pasa un Dia di Mama extra feliz. Suerte tabata na e hobencita Sheryl, kende door di a tende e disco tanto popular DOMINIQUE, di pone e number aki pa e popchi, como cu Ron Rey de Copas tambe ta popular.

**FLS. 1000,-**

**Pa e ganadora srta. Sheryl Pieterella  
Koningstraat 15, Oranjestad  
pa e popchi "DOMINIQUE"**



Resultado di e concurso cu a cera dia 29 di april 1964. Seleccion di e nombrenan pa e tres popchi nan di "Rey de Copas" tabata "DOMINIQUE" - "MARISOL" - "MARGARITA" Ariba e pagina nan aki por mira e diferente ganador y ganadora nan feliz. Diasabra atardi mes e director sr. J. Gonzalez di Aruba Distilling Co. a entrega e premionan (placa efectivo) na e diferente ganadornan.

**FLS. 1000,-**

**Pa 3 ganador di**

**Fls. 333,33 cada uno**

**pa e popchi: "MARISOL"**



Number di tres di Fl. 333.33 di e premio cu ta corresponde na e popchi "MARISOL" ta e hoben Ruben Sneek, kende a pidi su papa pa pone e number aki ariba su papel di concurso. Den presencia di su tata orgulloso e hoben aki a ricibi su premio di FLS. 333.33 for di man di sr. J. Gonzalez, diasabra atardi na oficina di Rey de Copas.



Aki ta sr. Davis v.d. Wall Arnemann di Citroenstraat 11, Oranjestad, kende a gana Fl. 333.33 como un dje tres ganadornan di e number selecciona MARISOL pa e popchi di dos. Nos ta mira huntu cu sr. Arnemann ariba e portret aki sr. Gonzalez kende a caba di entrega e premio na Sjon Dois.



Tambe srta. Jeta (Julietta) Semeleer di Washington 84 Noord, tabata un dje feliz ganador nan di e concurso grandioso aki di Rey de Copas. Den presencia di sr. Gonzalez y srta. Sixta Hernandez di oficina di Rey de Copas, e la caba di ricibi su Fl. 333.33 indudablemente e ta masha contento cu su premio.



# A REGALA F1.30000



Srta. Magda Everon di Piedra Plat no. 113, Paradera, a gana Fl. 200.- cu e nomber bunita di "Margarita". Den presencia di sr. Gonzalez y srta. Henriquez e señora a ricibi su premio. E señora tabata masha contento di a participa den e concurso aki.



Aki nos ta mira srta. Yolanda Wouters di Cashero No. 19, Sta. Cruz, kende ta un dje cinconan cu a duna e nomber "Margarita" na oficina di Rey de Copas diasabra atardi, afortunada srta. Yolanda a ricibi su Fl. 200. for di man di e director di e firma menciona, den compania di su mama sra. Wouters.

## FLS. 1000,-

5 ganador di f ls. 200 ,-

cada uno pa e popchi:

"MARGARITA"

Fls. 200.- di premio a bai pa sra. Florencia Wolff di Palm Beach no.54 Sra. Wolff a ricibi su premio for di man di sr. J. Gonzalez director di firma Aruba Distilling Co, cu ta propuci e rom Rey de Copas cu dia ta bira mas popular na nos isla.



Sra. Abelina Krozendijk di Piedra - Plat No. 113, Paradera, tambe a gana Fl. 200.- cu e nomber "Margarita". E señora aki a keda masha contento cu su premio, y ta admira e manera cu Rey de Copas ta complace semper cu su consumidornan, organisando concursionan cu premionan sensacional.

Pa completa e tres mil florin di premio cu Rey de Copas a regala den e concurso cu a cera dia 29 di april, fl. 200.- a worde entrega na sra. Gregoria Giel, otro feliz ganadora cu e nomber "Margarita". Sra. - Gregoria Giel ta biba na Altovista 21. Noord. Sr. Giel tambe a ricibi su Fl. 200.- diasabra atardi na oficina di Rey de Copas den Wilhelminastraat.



Sigui exihi e mehor ron di Aruba, savoria e producto aki di alta calidad, spaar e botternan y spera e proximo concurso, cu lo ta mas sensacional y mas grandi ainda Rey de Copas e unico cu ta duna calidad y premionan di balor na su concimidornan.



REY DE COPAS

Aruba Distilling Co

Wilhelminastr. 47- Tel.1266



Esaki ta un reproduccion artistico di e front di e edificio nobo di E.L.M.A.R., manera cu e lo bini den Wilhelminastraat, riba e terreno lanta banda di Tharcisius College. Meimei e edificio major di dos piso, na unda riba e piso di mas ariba lo worde estableci e departamentonan di mas importancia di e empresa: e oficina di directiva, e oficina di boekhouding, e apartamento di pintamento y e departamento di "planning". Den e piso abao lo bini e administracion y caheronan. E edificio chikito banda drechi, cu lo bini pega cu e brug di Adriaan Lacle Boulevard y cu lo ta conecta pa medio di un corridor cu e edificio major tin un etalage pa banda di caminda, cu lo worde usa pa Reddy

Kilowatt. Su tras tin un espacio cu por worde usa como sala di demostracion, cantina of sala di reunion, segun necesidad. Banda robes di e edificio major, pero sinembargo banda drechi di pasada tapa cu ta bay na e lugarnan di trabao bandi patras, ta bini e servicio tecnico. Banda robes di e entrada ta keda e deposito. E proyecto di e edificio nobo di E.L.M.A.R. ta di e oficina architecto Curazolenjo di J. Fresco. Riba e terreno patras di e edificio, nan ta trahando un "muraya pa proteccion", pa asina evita, pa e santo no worde hiba ora cu awa jobe. Ta worde spera cu e espacio di e edificio lo keda cla di mas tarda otro luna.

## NOTICIANAN DI POLS

E BOEINAN A SOMENTA.

ORANJESTAD, 13 mei. -

Haven en loodsdiens a duna di conoce cu nan a haya falta di un cinco boei di polyester colo geel cla, cu tabata poni den laman na e beach di Eagle como proteccion pa e landadonan.

## BOKSMENTO DI AUTO

Diasabra anochi na e cruzada di Bernhardstraat y Mauritsstraat a boks cu otro e autonan di familia A-4708 y A-8567, maneha respectivamente pa A.A. y E.K. Despues di e boksmento aki K. a dal contra un palo di trafico y door di un tranchi di zink. E danjo total ta worde calcula riba Fl. 600, .

## FOY CAMINDA

Diadomingo mainta tempran e auto di familia A-3087 maneha door di J.A. riba caminda di Kibaina pa Tanki Flip, banda di Jan Flemming, a kita foy caminda. E chauffeur a perde control riba e auto y pesey e no por a keda sin dal un palo di luz. E Auto a keda total loss. E chauffeur y su acompañante C.K. a haya heridanan leve.

## DETENI

Diabierna recherche a detene un tal A.P.D.W., kende kier a dal un otro cu un machete. Como cu e otro por a evita e slay, no a pasa nada malo. E homber a worde encarcela.

## BOTO A DESPARECE

Un boto di piscado, cu number NA-599, cu tabata hancra den laman paden di Cura Cabay, ta worde falta for di algun diacaba.

E boto chikito aki tin dos outboard motor di 18 pk, un largura di seis pia, color blanco ariba abou ta corra.

## ROUTA DI MARCHANAN NOCTURNA DIA 14, 15 y 16

ORANJESTAD, 13 mei. - E prome "tres dia di marcha" nocturna Antillano cu worde teni diahuebs, diabierna y diasabra venidero: lo dirigi e amantenan di camnamento banda di un distancia atractivo. E distancianan cu a worde fija oficialmente ta:

ROUTA PROME DIA: DIA 14. Salida for di "Club Estrella". Via Cashero-Rooi Prikichi-Marawiel-Paradera-Tamarijn, y bolbe pa "Club Estrella."

ROUTA SEGUNDO DIA, DIA 15 DI MEI. Partida for di "Club Estrella". Via hoofdweg-Papillon-Mahuma-Jukuri-Jan Flemming-Picaron-San Fuego-Casariha- y bolbe bek pa "Club Estrella"

ROUTA TERCER DIA, 16 DI MEI. Partida for di "Club Estrella". Via Casariha-Catashi-Angochi-Siribana, y bolbe bek pa "Club Estrella"

Durante e camnamento e participantenan lo pasa banda di diverso puestonan di control. Na tur e lugarnan aki lo tin un "mobile-cantine" caminda por compra un refresco. Tambe a worde percura pa cuida medico durante henter e ruta. E comienzo di tur e anochinan ta pa 7'or na Club Estrella. E routanan ta tur anochi mas of menos dies km. di largura.

## TA BENDE

Un set di sala, (1 sofa y 2 stoel) cu su mesa. Nan ta den bon condicion!

Acudi na:

Vondellaan 12, tel. 2265.

Pa bo bisti un par di zapato chic y elegante, ta solamente na LA LINDA bo por scohe algo completamente na bo gusto. Haci un bishita awe mes na:

**La Linda**



A caba di jega.



## DRESS & SPORT SHIRTS

di primera calidad, tur size, den un variacion masha bunita.

**FANNY'S SHOPS**

Oranjestad - San Nicolas.

## PROBLEMA CYPRUS

ATHENA, 13 mei. - Gobierno Griego, en relacion cu mamentu di dos oficial di trupanan Griego na Cyprus y heridanan di un di tres, ora cu nan adrenta den compania di un polis Griego Chipriota cu tambe a wordu mata, cu auto den e sector Turco

## FOR SALE 21 linclon electr. welding machines, 250 amps

Apply:

MWK, BALASHI.  
Phone: 2933/1869.

## TE HUUR

WOONHUIS

met 3 slaapkamers te  
Timonstraat 6.  
dagelijks van 2-6 n.m.  
of tel. 2873.

di famagusta, un declaracion oficial. E ta bisa akinan di ta spera cu trupanan di Nacionnan Uni na Cyprus lo actua riba un manera eficaz y lihepaaresta e asesinanon.

## TA BUSCA

Un cantinero cu responsabilidad y experiencia pa traha na un bar na San Nicolas.


Acudi na Arbeidszaken.

## TA BENDE

Pa motibo di viahe  
Set di sala (zwaar rotan) Set di comedor, Aire-Acondicionado  
Cashi pa cushina, Nevera, stoel di gas, cama, cashi etc.  
Acudi na C. KOOME,  
Bernhardstraat 241. (dilatanti Rainbo Bakery).

BRUSELAS, 13 mei. - 4 Gangster Belgo, ora cu nan a caha di comete un asalto exitoso riba e oficina na Estinnes A-Val cerc Charleroi, nan a cana contra e un jeep di Marechaussee.





## PROCESO CONTRA CRIMINALNAN DI GUE RRA MUNDIAL

Frankfurt, 13 Mei. - E ex-pollis secreto di S.S. Hermann Krumei, cu tambe ta sucesor di Adolf Eichman ta sucesor segun el a bisa., a hunga un papel di companjante ne preparacion nan pa e cambio di truck contra hudionan foi Hungria cu jamas a worde realisa. Segun e tampoco e tabata sa, cu Eichman e tempu ey a declara na Boedapest: "Si den tres dia mi no hanja noticia foi Istanbul (caminda e deliberacionnan tabata tuma luga), lo mi laga e molinanan di Auschwitz traha, tamponan.

co Krumei tabatin algu que ber cu segun el a bisa, cu e deliberacionnan tocante un di dos transaccion di cien mil hudio contra cinco million Franc Suiso. Segun el a bisa el a actua aki solamente como companjante di e personanan cu tabata pa delibera.

y Peugeot na Autorama, Aruba. Sr. Caspers, kende a traha 7 anja na Africa-Sur, y cu ta conoci como un bon experto a reemplaza sr. H. - Bouchmann, kende for di establecimiento di autorama tabata encarga cu e direccion di e garage aki, pero kende recientemente a bolbe bek pa Europa.




Ayera mainta a tuma lugar cu e ceremonia tradicional e apertura di e periodo di Staten di Antillas pa e tempo di 1964/1965. Ariba e portret aki nos ta mira senyor Gobernador N. Debrot den su uniform lesando e speech di apertura, den cual el a duna un resumen di loke a worde logra den e periodo di Staten di Antillas cu a termina. Na man drechi di e gobernador ta sinta su senjora E. Debrot-Reed.



For di dia 1 di mei pasa sr. Gerbrand Caspers a keda nombra como monteur special di V.W.

LABAMENTO DI PANJA SIN DOLOR DI CABEZ



gracias na yudanza di

REDDY!

## AVION MERICANO DI BOMBARDEO DI MAS NOBO

Periodistanan Mericano a bi-shita un prototipo di B-70 na Palmdale (California) locual te avion bombardeo Mericano di mas grandi y mas caro, cu jamas a wordu construi na Merca. E avion tin alanan delta, y por al-

canza un velocidad di 3.200 km. pa ora locual ta tres biaha e velocidad di sonido, y tin un largura di 56 1/2 meter y un anchura di 32 meter. E dos prototiponan cu ta cla actualmente a costa huntu 1,3 millard dollar.

## SUBSIDIONAN BRAZILERO

RIO DE JANEIRO, 13 mei. - Gobierno Brasileiro a aboli e subsidio nan di devies riba importacion di trigo, papel di corant zeta y produccionan di petroleo y equipo pa industria petroliera. Tambe a wordu suspende e koers importante di cambio pa servicio di renta di fianzanan di estado, y pa exportacion di sucu y zeta. Pa exportacion di koffie nan a mantene e tarifa special di 620 cruzeiro pa dolar. E koers oficial ta 1270 peso pa cada dolar.

## Resultado Eleccionan presidencial na Panama desconoci te ainda

PANAMA, 13 mei. - Ayera resultadonan dje eleccionan presidencial tene Diadomingo ultimo na Panama a wordu publica na 709 dje 1.440 officinan electoral. E resultado final lo wordu anuncia te diabierna awor. E candidato di partido di gobierno Marco Aurelio Robles, a hanja 86.000


voto, mientras cu e candidato di partido Panamenjo, Arnulfo Arias a hanja mas di 73.000 voto. Mas di 30.000 votador a pone nan voto riba number dje di tres candidato Juan de Arco Galindo. Robles, cu ta pa reforma di teritorionan agricola, a obtene principalmente voto dje campesinonan. Arias, a reuni den e provincianan Panama y Colon mas tantu voto. E dos candidatonan te ainda a tene un lucha di bida o morto cu otro.

## PRAWDA TOCANTE REUNION DI NAVO

MOSCU, 13 mei. - Prawda, e corant dje partido Ruso Comunista, a scribi en relacion cu e reunion di NAVO na Den Haag, cu Washington y Bonn a cuminsa un campanja nobo pa equipa Alemania Occidental cu armanan nuclear. Esaki ta sosode bow dje bandera dje famoso forza multilateral. E corant ta llama un tal armamentu di "Bundeswehr" algu cu ta contra tur logica.



Esaki ta yegada di Mr. D.U. Stikker, secretario general di NAVO na Schiphol. Senyor Stikker ta esun cu ta dirigi e conferencia menciona. Na su yegada for di Paris el a declara di no ta laga NAVO "malo y desgusta" manera un periodista Frances a formula.



Esaki ta un bisti ariba e sala di conferencia di NATO cual a cuminsa ayera y lo tuma lugar awe tambe. E sala aki ta situa den Juliana kazerne. E portret ta muestra e sala di conferencia cu e aparatonan especial di traduccion.



Poco prome cu e portaviones U.S.S. "Card" a sali for di Saigon na Sur Vietnam cu un carga di helicopternan bieuw pa Estados Unidos, el a bira victima di un atentado di bom di Viet Cong. E explosion di e bom a causa cu e bapor a sink te na e fondo di e haaf di 16 meter hundu, pero e parti ariba di e portaviones a keda ariba awa. Un guardia ta manteniendo warda pa nan no caba di sink e bapor.

## ACUSACION NA JOHANNESBURG Cumpleanos

JOHANNESBURG, 13 mei. - Un Africano di colo di 38 anja Paul Molepo cu a wordu acusa na Johannesburg y sentencia riba acusacion di a ataca 4 muher blanco y di a horta un di cinco, a trece como su defensa, te manera e victimanan tabata bisti a ponele atakanan. Juez Claassen a bisa riba esaki, cu hopi muher na Sur Africa indudablemente ta bisti masha sunu y ta trata di lanta deseo dje hombernan, pero apesar di esaki el a condena e acusado pa 50 anja den prison.

Dia 18 di februari pasa dos polis blancu di Durban a wordu condena pa ocho y un anja y mei pa motibu di a ataca un muher Africano.

E polisnan a detene dos muher na Africa, pasobra esakinan tabata riba tereno prohibi. Nan a bai

cu e dos muhernan y a viola uno bow di amenaza di un revolver. Despues cu e muhernan a paga un boet di 10 florin pa motibo di ta riba tereno prohibi, e polisnan a laganan bai.

Dia 10 di mei a celebra su 89 anja Señor Antonio Maduro, felicitacion t bini di su señora Abeona, 11 jloenan, suegranan, nieto y nietanan, bisanieto y bisanietanan, sobrina y sobrinanan, cunjanan y demas familia Maduro.

## Lions a tumba invicto di Super Cleaning

(Di Nos Redactor Deportivo) E unico invicto cu tabata existi den e campeonato di Oranjestad Little League a worde kibra diasabra atardi. Aruba Lions a haci esaki ora cu nan a gana Super Cleaning cu anotacion di 3 carrera pa 1. Tabata salda number 12 di e muchanan di Super Cleaning y esaki a resulta nan promer derrota despues di obtene total di 11 victoria consecutivo.

Lions a anota tres carrera conecta 1 hit y hunga sin error. Super Cleaning a anota 1 carrera, conecta cuatro hit y comete 1 error. Pitcher ganador tabata J. Didier, perdedor A. James. Libby's a obtene su quintero triunfo di e campeonato superando American Legion cu anotacion di 8 pa 5. E ganadornan a conecta 9 hit, entre nan un homerun di A. Rafini, y hunga sin error. E yankeenan a conecta dos hit y pifia cinco biaha. Pitcher ganador tabata S.R. Arends, perdedor C. Maine.

Aruba Rotary a sufrí su derrota number shete di e campeonato di Viana. E partido a caba cu score di 3 pa 1. Rotary no a conecta hit contra di J. Rogers, pitcher di Viana's, kende asina a lanza un no-hitter. E Rotarionan a comete 5 error. Viana a conecta tres hit y comete dos error. Pitcher ganador tabata J. Rogers perdedor R. Wout. Incluyendo e partidonan aki, nos ta haja awor e siguiente tabla di posicion di e Liga Sur:

TEAM	WG	WP	WA
Super Cleaning	11	1	--
Aruba Lions	7	5	4
American			

Legion	6	6	5
Libby's	5	5	5
Viana	2	9	8 1/2
Aruba Rotary	2	7	7 1/2

Den e Liga Nord no tabata tin wega durante e ultimo weekend. Esaki ta debi na e weganan internacional di baseball cu tabata tin entre e equipo di Venezuela, Profesores de Universidad y Winston di Aruba.

Den e liga aki e seis equiponan ta posiciona den e siguiente forma:

CLUB	WG	WP	WA
O Sc Grape	8	1	--
Carib. Hotel	7	1	1/2
Wrigley	6	3	2
U.S. Keds	3	7	5 1/2
Nutricia	2	8	6
Pepsi Coia	2	8	6

Cu e equipo di U.S. Keds a surgi un problema. E team aki aparentemente lo no por presenta completo mes pa falta di suficiente hungador. Door di esaki nan lo tin di sali for di campeonato.

## HUELGA PARCIAL CERCA SABENA

BRUSELAS, 13 mei. - Mas o menos un sexta parti dje personal aerea dje compania nacional Belgo di aviacion "Sabena" a cuminsa un huelga. Dos vuelo a keda suspende y otro servicio nan mester a wordu combina, segun e compania a participa. E huelgistanan ta pertenece ne sindicato libera. Nan ta exigí un cambio general di condicionnan di trabao.



# AGENDA

## ARUBAANSE COURANT

diariamente cu excepcion di  
diadomingo  
subscripcion f. 3,25 pa luna  
edicion los 20 ct.

edita pa:  
N.V. ARUBAANSE DRUKKERIJ  
- en UITGEVERS - en PUBLI-  
CITEITS MIJ.

Imprimi na:

N.V. DRUKKERIJ  
„DE STAD,,

Telefoon 1116 Directiva y redac-  
cion, 2116 Anuncio y subscrip-  
cion.

Directeur hoofdredacteur:  
D. Wolff.

POR CUMPRAR ARUBAANSE  
COURANT NA E SIGUENTE  
LUGARNAN:

NA ORANJESTAD:  
BOEKHANDEL MARISKA,  
PIET SODA FOUNTAIN,  
REFRESQUERIA INGRID.

NA SAN NICOLAS  
NICOLAAS STORE,  
UNION STORE.

## BOTICANAN DI WARDA

Macridiensten; Oranjestad Boti-  
ca Oduber Tel: 1780  
San Nicolas Botica San Lucas  
Tel. 5119.

## TELEARUBA

5.30 Cartoons  
6.00 Public Service  
6.30 Dutch Film  
6.45 Papiamento Newscast Live  
& Filmnews  
7.30 Phil Silvers  
7.45 Papiamento Sportnews  
8.15 This man Dawson  
8.45 Concentracin  
9.00 English Newscast Live &  
Filmnews  
10.00 Wire Service  
10.30 Wrestling

## RADIO CARACAS TELEVISION

8.45 Senderos de luz,  
9.00 T.V. Educativa,  
10.30 Cosas de mujeres,  
11.15 El hogar y la moda,  
11.45 Novela,  
12.00 Noticias,  
12.05 Show de Renny,  
13.15 Se necesita una amiga,  
13.35 Cortos,  
14.00 Yo se lo vendo,  
14.30 Documental.

## POR FIN E AMOR VERDADERO NOVELA

No. 33.

Brigit tabata sinta bandi un sche-  
merlamp den su cas. Den su man  
e tabata tin un handwerk; esey lo  
bira un bunita jas pa baby. Dios  
sa si cu Peter lo gusté? etapun-  
tra su mes. Varios blaha e ta ser-  
ra su wowonan, y e ora cu casi el  
a pega sonjo, un hende a hatu na  
porta. Poco poco e sirviente So-  
fia a bin paden. "Mi sa, Sofia, ya  
ta dies or, y ta ora di bay drumi  
caba. Bo ta masha ller di cor-  
dami...". "Ja, Sra. sa, tin bi-  
shita. Mi a trata di spliké cu ta  
laat pa haci bishita, pero el a in-  
sisti cu e mester papia cu Sra."  
"Ken e ta?" "E no kier a bisami  
su nomber. Pero nunca mi a li-  
ré". Pero Sofia esey nopo ta ber-  
dad. Hende strango no ta bin  
haci bishita asina laat. Bono a  
lagué drenta, no? "No, natural cu  
no. E ta para pafó ta warda. Pero  
e no ta parce un mendigo. Al con-

trario, e ta un homber cu un bon  
tipo".  
mi. Of no....warda, mi nota kere  
cu e ta un bandido. Mi mesta bay  
papia cu né. "Ami lo keda spera  
den corredor. Si algo pasá, djles  
jamami numa. Nos dos por corre  
cu né mas lihé. "Okay", Brigit a  
bisa, y a lanta para. El a sonrei,  
mientras el a cana bay. Pero ora  
el a habri e porta y cu el a reco-  
nocé e bishitante, el a dal un pa-  
so patras. "José" "Bon nochí

Brigit....mi por papia cu bo un  
momento?" "Si....si....of no....a-  
mi....José, esey no ta posibel! Ki  
mishibo akinan?" "Cu gustolo mi  
splicabo, pero....si nopo awor."  
"Despensami, mi ta tur brucha."  
"Kiko a pasa Senjora?" "Sofia a  
cana jega serca. "Mipor yudabo?"  
"No, danki Sofia, e Senjor aki ta  
un bishitante di berdad." "Dios  
gracias", Sofia a bisa. "Mi por  
bay den mi kamber awor?" El a

## Dos punto riba agenda di NAVO su conferencia

DEN HAAG, 13 mei. - E agenda  
pe conferencia di ministernan  
di NAVO cu a cuminsa ayera a  
conta solamente dos punto, pero  
nan. Mr. Tikker a papia durante  
su conferencia di prensa tocante  
ambos punto. E promer punto  
di agenda ta trata dje discusion  
di tur loke ta pasando, no sola-  
mente den territorio di NAVO  
so, pero tambe den Azia, Africa  
y Latino America. Un gran parti  
dje deliberacion lo trata riba e  
punto aki, tambe pasobra lo wor-  
du trese dilanti tambe loke ta  
pasando den campo comunista.  
E di dos punto di agenda lo te  
resumen politico, cu e secre-  
tario general di NAVO Mr. Stik-  
ker lo duna e mes locual ta pro-  
me blaha. E ta contene un con-  
sideracion riba e evolucion di

e aliansa, e recién progreso cu  
a ser haci, e problemanan ac-  
tual, cu cual e ta wordu con-  
fronta y speranzanan pa den fu-  
turo.

## ATENTADONAN DI BOM NA MADRID

Madrid, 13 Mei. - Dos persona a  
keda levemente herida ora cu a-  
yera nochí na un kiosko caminda  
ta bende corant den centro di Ma-  
drid un bom leve a explota. Esa-  
kinan tabata epromenan cu a han-  
ja lesion den eola atentadonan  
chiqui di bom cu ta tumando luga  
foi antayera mainta den e capital  
Spanyo. Ayera mainta a explota  
durante un ora masha frecuente  
un bom dilanti ministerio di a-  
suntunan exterior. Ningun perso-  
na a hanja herida y notabatin ka-  
si danjo. Tambe na un otro ca-  
mindanda den e ciudad tabatin explo-  
sionnan cu poco forza.

## Situacion na Laos

PEKING, 12 mei. - Den un men-  
sahe ne lider di neutralistanan  
na Laos, principe Soevanna Phoe-  
na, e hefe dje partido Comunista  
principe Soephanoevong, a bisa  
cu su movimiento ta ninga di  
aproba cada cambio den e go-  
bierno di unidad nacional dencual  
e tres partidonan na Laos ta  
representa. Segun e agencia di  
prensa Nueva China Soephano-  
vong a bisa tmbe cu e tres  
partidonan - e derechista, neu-  
tralista y izquierdista mester  
delibera y soluciona tur kestion-  
nan cu ta existi.

Prome cu tur cos ta necesario  
pa desolve e comite revolucio-  
nario cu ta existi, di straf mal-  
hechornan dje golpe di estado  
di 19 di april, y di drecha e  
gobierno legal, segun un parti-  
cipacion di principe Soephano-  
vong.

keda mira José di arriba te abao.

"Mi tabata sa cu e no por ta un  
bandido, manera mi a miré pa  
promé blaha", el a bisa, y des-  
pues el a cana bay. "Y abo Bri-  
git?" José a puntra. "Lo bo por  
tumami pa un bandido?". El a bi-  
sa esaki pa asina duna Brigit tem-  
po pa bolbe reacciona normal.  
"No, no mucho", el a contesta, y  
el a haci un esfuerzo pa sonrei.  
"Pero drenta, no José....." Bri-  
git a cana su dilanti cu su cara a-  
bou, y ora el a drenta den e sala,  
el a mustra José un stoel. "Bay  
sinta, mi ta bay busca algo pa be-  
be...." E kier a bolbe sali pafó, pe-  
ro José a bin para den su caminda.  
"No, no bolbe corre bay, "José  
a bisé. "Pasobra bo no ta bolbe  
lihé, ya mi tin experiencia di é-  
sey caba. "Nan tabata para asina  
serca di otro, cu nan por a mira  
otro den nan wowo. "Awor ey bo  
a puntrami, ki mishimi akinan.  
Bo no ta kere cuta miho, si bo  
puntra: pakiko mi a bini?" "Y  
kiko lo bo contesta?" "Pasobra  
mi ta stimabo, Brigit.  
Pasobra mi ta convenci cu bida  
sin bo, no ta bal nada. Atrobe  
bo ta spanta. Mi nopo contestabo  
asina. Bisami lihé anto: mi ta pri-  
mitibo cu mesora mi ta bay  
bek, si bo ta desea e-  
sey. No, por dios, miramiden mi  
cara, ora mi ta papia cu bo. Bo no  
mester tin miedo di mi, bo sa esey

masha bon! No ta berdad?" "Si  
José, mi sa esey." "Awel? Bo kier  
pa mi bolbe bay? Bisami si of no. v  
lo mino haci ningun pregunta mas."  
"No, Brigit a contesta cu un vos  
tembloroso. "No José por favor,  
no bay bek. Mi mester a warda asi-  
na hopi riba bo!" "Jorando Brigit a  
pone su cara riba pecho di José  
"No bay lagami mas! Tenemi duro  
contra bo. Kizas tur esakita un  
sonjo, pero toch mi ta hayé masha  
bunita." "Y toch bo ta jora, Brigit?"  
Ta lagrimas di alegría, of te ainda  
tin algo cuta preocupabo?" "José,  
ta posibel, cu un curazon ta kima  
di deseo, maske cu e sa.... cu e no  
por desea?" "Un curazon no ta  
"Si asina mester ta. Mi no mester  
stimabo, y sin embargo toch mi a  
hacié. Bo kier scuchami un rato,  
prome cu bo bolbe henteramente  
bek serca mi?" "Nan tabata sinta  
man den man, mientras cu Bri-  
git tabata conta e homber stima  
di su sufrimento. "Di un manera  
of otro, toch mi tabata stima  
Frenky", el a bisa. "Pero esaki  
tabata un stimacion enteramente  
diferente cu esun di bo, José.  
Tabata como un rio calmo, clá y  
cu un corriente fuerte. Tur dos  
tin awa, pero toch nan ta asina  
diferente mescos cu solo contra  
luna." "Bo ta magnífico Brigit.  
Ningun hende por comprendebo  
miho cu ami, ysa, cu Frenky ta-  
bata stimabo. Nos lo keda pensa-  
hopi riba dje, no ta berdad? Lo e

no stroba nos felicidad, pero pro-  
tehé, no? "Si José, asina e lo  
haci. Awor numa mi ta sinti mi  
curazon liber, por fin mi a esco-  
he e caminda berdadero." "Y  
mayan nos ta bay bek serca bo  
mama, y nos lo bisé cu tur cos  
ta okay atrobe. Hasta su com-  
portacion tin su nificacion; nos a  
duna Frenky un parti di nos feli-  
cidad." Fin.

## PILOTO FEMENINA DEN DIFICULTAD

Oakland, 13 Mei. - Senyora Joan  
Merriam, cu dia 17 di Maart pa-  
sa a sali foi Oakland (California)  
pa haci cu su avion di un perso-  
na un viahe rond di mundu, via su  
radio a pidí ayudo di Guarda Cos-  
ta Mericano. El a bisa di ta den di-  
ficultad na 400 km dje costa di Ca-  
lifornia riba Pacifico, door cu su  
avion tin storing den motor. E a-  
vion tin dos motor. Senyora Mer-  
riam, e esposa di 27 anja di un  
oficial di marina tabata na su úl-  
timo fase dje viahe di mas di  
4000 km. Dia Domingo e meste a  
regresa Honolulu door di de-  
fect na motor.



**RIP KIRBY**

pa cortesia di:

**JAN BODEGOM & CO (ARUBA) N.V.**

Agente exclusivo di

**FRIESCHE VLAQ**

lechi evaporado y lechi en polvo

**MAXWELL HOUSE KOFFIE.****CISCO KID**

pa cortesia di:

**ARUBA BOTTLING COMPANY**

NESBITTS den varios sabor, e refresconan mas pidi y mas gusta na Aruba.

**BUCHI ROBEZ**

Pa cortesia di:

**PIET'S SODA FOUNTAIN**

Tel. 2123

E mihor adres pa snacks, tur clase di dushi, softdrinks, ice-cream y revistas.

**PEPITA**

pa cortesia di:

**ANTILLIAN HARDWARE CO.**

E mihor adres pa VERF, KWASHI, TUR HERMENT, ARTICULOS SANITARIO.


**DICK TRACY**

presenta pa cortesia di

**JOHN MANSUR AUTOPARTS**

na unda bo ta hanja piezanan di auto, garantisá pa nan calidad.

L.G. Smith Blvd. (P'ariba di La Esperanza) tel. 3094.

**Horoscopo personal**

**ARIES**-21 di maart-20 di april- Cuida bo salud bon. Si bo ta permanece firme den bo actual decisionnan anto bo por logra capia e tormentonan cu ta surgi.

**TAURO**-21 di april-21 di mei- Tene masha cuidao pa bo naturalesa aventurero no hibabo demasiado leeuw y den e direccion contrali.

**GEMINIS**-22 di mei-21 di juni- Negoshinan ta activo y e perspectivas nan parse di ta bon, pero percura hasi e debido decisionnan for di e promer momento. No tin oportunidad pa bo arrepentí despues.

**CANCER**-22 di juni-23 di juli- E rutina regular lo no causa dificultadnan. Tene masha cuidao pa bo no desvia den otro cosnan nobo.

**LEO**-24 di juli-23 di augustus- Esaki ta un dia den cual lo bo purba e refran bieuw cu ta bisa: "Cosnan bon no ta bini den frasenan chikito." Speransa altu por trece recompensanan.

**VIRGO**-24 di augustus-23 di september- Cuestionnan legal quizas ta aborde di sigi un curso poco dudoso. Pone tur cos den e direccion cu nan mester ta sin tolera.

**LIBRA**-24 di september-23 di oktober- E sentido comun bieuw lo sirbibo mas cu tur e otro teorlanan di e momento aki.

**ESCORPION**-24 di oktober-22 di november- Laga bo accionnan proba cu ta un bon conservador. sea cual ta e ideanan nobo cu tin na moda.

**SAGITARIO**-23 di november-22 di december- E actual tormenta por refleha bo propia actitud mas bon cu e propio situacion.

**CAPRICORNIO**-23 di december-20 di januari- Bo sa bon conemplea e arte di tacto, hasi esaki precisamente e dia aki y tur cos lo sali bon.

**ACUARIO**-21 di januari-19 di februari- Evita tur y cualquier cos cu por pone cambia di parecer contra bo voluntad.

**PISCIS**-20 di februari-20 di maart Si bo ta completamente practico den tur cos, por evita e dificultadnan cu ta surgi den horizonte.

**DESGRACIA DI TREIN NA POLONIA**

**VARSOVIA**, mei.- Netrayecto Krakou Oswiecim na Polonia diasabra anochi un trein di pasahero a core baidal contra wagonnan di mercancías. E desgracia aki a exigui bida di dos persona. 14 a keda herida.

**Experimento Suspende**

**AMSTERDAM**, mei.- Anton van de Water, e Ulandes di 24 anja, kende kier a biba algun luna riba un isla solitario den Mar Caribe, mas di tres siman despues cu e experimento a cuminsa, a haya un herida asina grave, cu el a manda un sinjal di emergencia.

Segun a wordeparticipadespues e herida no ta causa peliger pa su morto. Parce cu el a cal riba un barranca y a herida su mes na su lomba y pia.

En consulta cu e embahada Ulandes na Caracas, e corant Ulandes "De Telegraaf" cu ta sponsor e experimento, a dicidi pa suspende henter e asintu. Asina cu ta posibel van de Water lo bolbe Ulanda.